

ՀԱՅ ԿԱԹՈՒԼԻԿ ԵԿԵՂԵՑԻ

«Բիւղանդիոն»ը հաղորդում է, որ հայ հռովմէականների պատրիարք Թերզեան Սրբազանը մօտ օրերս կուղևորուի Հռովմա:

Երեսփոխ. ժողովի վերջին նստին կանոնադրութեան քննութեան խնդիր է եղել, Թերզեան սրբազանը համամիտ է գտնուել բայց իւր ներկայութիւնը անհրաժեշտ չէ համարել. իրան փոխանորդող մի Տեղապահ պէտք է կարգի:

ՕՏԱՐ ԵԿԵՂԵՑԻ

Պրաւօսլաւ եկեղեցի.

«ԷԿԵՂԵՑ»-ում (№ 165) կարդում ենք, որ պրաւօսլաւ սրբազնագործ պաշտօնեաների—քահանաների և սարկաւազների—կրկնամուսնութեան խնդիրը նորից յարուցուած է ռուսաց սրբազնագոյն Սինօդում ոչ թէ վերջնականապէս վճռելու, այլ այդ առիթով Սրբ. Սինօդի անդամների կարծիքները իմանալու: Այդ կարծիքները յետոյ կը զեկուցուեն ի բարեհայեցողութիւն ապագայ եկեղեցական ժողովի:

Յունիսի 25-ին վերջացրել է իւր զբաղմունքները կաղանի միոթօներական ժողովը, որին մասնակցում էի 22 թեմերի ներկայացուցիչներ, իսկ 26-ին Գերմոգեն եպիսկոպոսի և նախագահ Նիկանդր արքեպիսկոպոսի ճառերով ժողովը հրատարակուեց փակուած:

Ժողովի եզրակացութիւնները ամփոփուած են մի կարգորոշումների մէջ, որ նախապէս մշակել էին զանազան մասնաժողովները:

Թուրքեստանի, Տօբոլի նահանգների և կիրգիզեան